

隨拈妙法：法華經精要（十七）

補充資料：佛上忉利天為母說法三月

授課教師：見額法師

地點：佛陀教育基金會

日期：10/21/2022

一、《大方便佛報恩經》卷三：

「爾時如來為母摩耶夫人并諸天眾說法九十日，閻浮提中亦九十日不知如來所在。大目犍連神力第一，盡其神力，於十方推求¹，亦復不知；阿那律陀天眼第一，遍觀十方三千大千世界，亦復不見；乃至五百大弟子，不見如來，心懷憂惱。」

二、僧伽提婆譯《增壹阿含經》卷 28 聽法品第 36 (五)：

1. 「爾時，釋提桓因²如屈申臂頃³，來至世尊所。……白世尊言……今如來在閻浮里⁴內，四部圍遶，國王人民皆來運集。善哉，世尊，可至三十三天⁵與母說法。是時，世尊默然受之。」
2. 「世尊便作是念：『此四部之眾多有懈怠……我今宜可使四部之眾渴仰於法。』爾時，世尊不告四部之眾，復不將侍者，如屈申臂頃，從祇桓不現，往至三十三天。……我今當以神足之力自隱形體，使眾人不見我為所在。」

¹ 推求：尋找。

² 忉利天王。

³ 申：伸。屈申臂頃：如將手臂彎曲再伸直如此短的時間。

⁴ 閻浮提。

⁵ 忉利天。

3. 「釋提桓因白佛言：『我今當以何食飯如來乎？為用人間之食，為用自然天食？』世尊告曰：『可用人間之食用食⁶如來。所以然者，我身生於人間，長於人間，於人間得佛。』……『為用天上時節，為用人間時節？』世尊告曰：『用人間時節。』釋提桓因即以人間之食，復以人間時節飯食如來。爾時，三十三天各各自相謂言：『我等今見如來竟日⁷飯食。』」
4. 「世尊以經三月，便作是念：『閻浮里人四部之眾不見吾久，甚有虛渴之想。我今當捨神足，使諸聲聞知如來在三十三天。』是時，世尊即捨神足。」
5. 目連升天，請佛回人間，復告大眾：「却後七日如來當來下至閻浮里地僧迦尸⁸大池水側。」

三、玄奘大師《大唐西域記》卷四：

「伽藍大垣內有三寶階……是如來自三十三天降還也。昔如來起自勝林，上昇天宮，居善法堂⁹，為母說法，過三月已，將欲下降。天帝釋乃縱神力，建立寶階，中階黃金，左水精¹⁰，右白銀。如來起善法堂，從諸天眾，履中階而下；大梵王執白拂，履銀階而右侍；天帝釋持寶蓋，蹈水精階而左侍；天眾凌虛，散華讚德。數百年前，猶有階級，逮至今時，陷沒已盡。」

⁶ 音ㄘˋ (sì)，同上「飯」(ㄈㄢˋ fǎn)字，皆為動詞，拿食物給他人吃。

⁷ 整日。

⁸ 僧伽施，舊作 Sankasya，今作 Sankisa。

⁹ 帝釋天的講堂名稱。

¹⁰ 水晶。